

## Забидий / ВАҲИЙНИНГ БОШЛАНИШИ КИТОБИ / 1060-ҳадис

1060/2343 - عَنْ ابْنِ عُمَرَ رَضِيَ اللَّهُ عَنْهُمَا: كَانَ يُكْرِي مَزَارِعَهُ عَلَى عَهْدِ النَّبِيِّ صَلَّى اللَّهُ عَلَيْهِ وَسَلَّمَ وَأَبِي بَكْرٍ وَعُمَرَ وَعُثْمَانَ، وَصَدْرًا مِنْ إِمَارَةِ مُعَاوِيَةَ، ثُمَّ حَدَّثَ عَنْ رَافِعِ بْنِ خَدِيجٍ: أَنَّ النَّبِيَّ صَلَّى اللَّهُ عَلَيْهِ وَسَلَّمَ تَهَى عَنْ كِرَاءِ الْمَزَارِعِ، فَذَهَبَ ابْنُ عُمَرَ إِلَى رَافِعٍ فَسَأَلَهُ، فَقَالَ: تَهَى النَّبِيُّ صَلَّى اللَّهُ عَلَيْهِ وَسَلَّمَ عَنْ كِرَاءِ الْمَزَارِعِ، فَقَالَ ابْنُ عُمَرَ: قَدْ عَلِمْتُ أَنَّا كُنَّا نُكْرِي مَزَارِعَنَا عَلَى عَهْدِ رَسُولِ اللَّهِ صَلَّى اللَّهُ عَلَيْهِ وَسَلَّمَ بِمَا عَلَى الْأَرْبَعَاءِ، وَبِشَيْءٍ مِنَ التَّبَنِّ.

1060.2343, 2344. Нофеъдан ривоят қилинади:

«Ибн Умар розияллоху анхумо Набий соллаллоху алайҳи васалламнинг, Абу Бакр, Умар, Усмоннинг даврларида ҳамда Муовия амирлигининг аввалида экинзорларини ижарага берар эди».

Сўнгра Рофеъ ибн Хадиждан Набий соллаллоху алайҳи васалламнинг экинзорларни ижарага беришдан қайтарганлари айтилди. Шунда Ибн Умар Рофеънинг олдига борди. Мен ҳам у билан бирга бордим. Ундан сўраган эди, у: «Набий соллаллоху алайҳи васаллам экинзорларни ижарага беришдан қайтарганлар-да», деди. Ибн Умар: «Ўзинг билар эдинг-ку, биз Расулуллоҳ соллаллоху алайҳи васалламнинг даврларида анҳорларнинг бўйидаги нарсалар ва бирмунча сомон эвазига экинзорларимизни ижарага берар эдик», деди».

**Изоҳ:** Ибн Умар розияллоху анху «Расулуллоҳ соллаллоху алайҳи васаллам ерни ижарага беришдан мутлақо қайтарган эмаслар, балки анҳорларнинг бўйидаги экинлар ҳамда бирмунча сомон ёки шу каби ноаниқ мол эвазига ижарага беришдан қайтарганлар, холос», демоқчи.



HADIS.ISLOM.UZ  
NUBUVVAT MARVARIDLARI